

## Slavan iz nètt vortgedjukhata zait

Haüt iz vraita un alle soin luste, ombrómm, azpi ma khött in ta' vo haüt, palle hefta à "il weekend". Ma bia mai di belesan hám mengl zo nemma in laigom a fremmegez bort zo khöda ditz? Un bi khöttma "weekend" azpe biar? Zo khödaz djüst, ne atz belesch ne in ünsar geréda izta a söttaz bort. Ditz hatt furse zu tüana pittar ünsarn kultür un birtschaft. 'Z Beleschlánt, fin vor 60 - 70 djar, iz gest a lánt vo baké, un berda hatt earde zo pauga un vich zo governàra, khennet khumann "weekend". Disedjar, dar uantzege ta' zo rasta iz gest dar sunta un di ándarn vairta boda schafft di khirch, un vil vert njánka dise. Haützotage hèrta mearar laüt arbatn von menta fin an vraita, ma 'z soinda anvétze ándre boda mochan arbatn an sántza un an sunta o. Hèrta mearar boténg stian offe an sunta un di vairta. Di laüt bodada arbatn hám lai an bérta zo rasta, balda di ándarn arbatn un di khindar gian ka schual. Ditz billz munen hám khumannia zait z'stiana pitt soin laüt un tschelln. Sidar ettlane djar di khirch un di sindakètt machan drukh zoa azta di boténg mochan auspèrrn an sunta, azpi 'z iz gest inar bòtta, ma azpi hèrta, iz 'z gëlt boda macht drenen di bëlt. Di vorkhoavar un botegjarn haltn au ke di laüt, haützotage, soin kartza hervevank un hám khumannia zait zo giana zo provédra an bérta. Sichar iz ke,



azta di boténg beratn offe pa dar nacht, ka Bòinichtn odar ka Oastarn, berata hèrta epparùmmaz bodada inngianat: di tentazióng iz ainfach kartza starch. I o pinn gánt zo machamar a khear in an "shopping mall" ka Poatzan: a gehäüs, groaz quâse azpi 'z lánt vo Lusérn, pitt beng, plètz, birthäusar, tschine un boténg boma mage khoavan alladarsört geplèttra, allz innzalt, tscherm von bëttadar, vo dar khelte un vo dar hitz. 'Z iz gest in tages vonan schümman lam sunta vo längue un disar merkà iz gest gestekht pitt laüt: djunge, alte, famildje pitt khindarn. I hettat geböllt khoavan a geschénkh vor moi mâmma, ma 'z izmar vortgånt dar lust un pinn lai inkänt. 'Z geat però ándarst o, azpida zoang ünsarne nachparn über di Alpm. Durch

in Österraich, in di Sbaitz, in Baviera un quâse in gántz Taütschlánt di boténg stian gespèrrt alle di sunta un vairta, aus baz in månat von Advént. Di laüt bizzanz un gian zo provédra eppaz mearar an sántza, un no niamat iz vorhümmart vor ditza. Un vor di sèlln boda vorgèzzan zo khoava di milch odar in kafè un pròprio nèt mang stian ána fin an menta, soinda hèrta di statzióngen vo dar bentzi. Dise bol stian offe an sunta o un vorkhoavan alladarsört - drai, viar vert taûrar, ma vorstéat. Un bidara gloabet odar nèt, durch sèmm di laüt, an sunta, gian pinn khindarn au pa pèrge, atz vèlt odar atti sean, zo gódranen an schümman tage in kompania. Ombrómm zo provédra izta zait sèks tang atti boch!

Paolo Pergher

## "Bölkendla – In nám von Må" "Nuvolette – Nel segno della Luna"

In disce tang, nidar ka Rovràit, khinta gimacht a manifestazióng girüaft "Nuvolette – Nel segno della Luna". Vor viar tang, vo gestarn finn an sunta, inn in Mart, in Museo Civico un in ettlane birthäusar vo Rovràit un vo Volân khemmenda gimacht auzlegom, bërkstattun un spiln afti bolkhnenbörter.

Ma baz soinz di "bolkhnenbörter"? Ma magat khön ke di bolkhnenbörter soin lai pildar gilekk pittnåndar pitt geschribate börter zo kontàra a stördja. Biar mânne hám hèrta ginützt di pildar zo maga kontàrn stördje, bar hám gikratzt vichar un mânne afti maurn von höln vor zentausanh djar un in alle di khirchan soinda vil pildar boda kontàrn di stördja vo Gottarhear. Di "bolkhnenbörter", però, soin eppaz ándarst! Azpe dar cinema, di "bolkhnenbörter" soin gibortet zo maga soin gilest vo alln: von dokhtur un von djökk, von alt un von djung. Zo maga rivan aft alln in laüt di bolkhnenbörter hám mengl zo soina gidrukht in ettlane kopie un hám mengl zo haba ettlane plètz zo maga khemmen auzvorkhaoft. 'Z izta nicht zo möchase sorprédarn azta di bolkhnenbörter soin gebortet in Amerika!

Di bolkhnenbörter soin gebortet 'z djar 1895 balda dar editör J. Pulitzer vorst in kunstlar R.F. Outcault zo schraiba a földjele vor di khindar zo maga vorkhoavan alle di bochan pittnåndar pinn földjo "The World" vo New York. Outcault zornirt zo macha pildar un zo macha auzkhemmen von maul von laüt sèmm giverbet khlummane bölkendla pitt drinngeschribet baz sa soin nà zo khöda.

Dise earstn bolkhnenbörter, girüaft "Yellow Kid" hám vorkhaoft asó vil ke alle di editör durch in Amerika hám ágiheft auzzodrukha földjela voll bolkhnenbörter vor di khindar. Biane zait spetar da in Euròpa o hattma ágiheft zo schraiba un auzzodrukha bolkhnenbörter; daz earst bichte libarle geschribet in Euròpa iz gést "Tintin in lánt von Soviets" vo



Hergé 'z djar 1929, di earstn bolkhnenbörter boda hám gizoaget a stördja un nètt lai eppaz zo lacha. A djar spetar Disney bart äheván zo drukha di földjela vo Mickey Mouse. Superman, dar earst Supereroe iz von djar 1939 un dar earst Tex iz von 1948. In ta' vo haüt di bolkhnenbörter soin khennet z'soina eppaz sèrdjegez o, sovl azpe dar cinema, un khemmen nètt vorkhaoft lai zo macha lachan di khindar ma sa soin guat zo macha überleng di laüt bazta iz nà vürzokhemma in di bëlt, asó azpe "Palestina" vo Joe Sacco odar situatióngen boda machan vil mearar bea azpe "Maus" vo Spiegelmán.

Rodolfo



'Z mentsch pasàrt an dritte vo soi lem slavante: ditz billz soin gemunt ke bar slavan schiar 230.000 urn, ke 'z soinz ungefähr 26 djar. Dise urn bo bar pasàrn slavante soin sichar eppaz bichte vor ünsar laip un slavan iz nètt lai a sachan boda hatt zo tüana pinn laüt. Defatti 'z izta nètt a vich in da gántz bëlt boda mak lem ána z'slava. Un vor ditz mabar khön ke dar slaf iz nètt eppaz bo ma mage vorzichtn.

## Slavan iz nètt vortgedjukhata zait

urn. Di khlumman khindar untar in 3 djar, mochan slavan daz mindarste 16 urn attn tage un vo di 3 atti 12 djar a khinn mocharat slavan zene. Di groazan laüt hám mengl ungefähr 8, invézte vor di altn laüt obar di 60 djar iz genümma sèks urn. In di natür o nètt alle di vichar slavan vor da geläch zait, dar koala, z.B. iz ummaz von vicharn boda slafit daz meararste: 22 urn attn tage. Di giraffe, invézte, slavan lai a par urn. Bazta iz sichar iz ke ána slaf magapar nètt lem. 'Z iz genümma nètt slavan gerécht vor a nacht sa zo höara di earstn schaülan effèkte attn ünsar umór un atta ünsar kontzentratzióng. Un azma pasàrt 17 urn ána z'slava, ünsarne kognitive laistungen ledrenarnse sovl azpe ma hettat getrunkht zboa groaze tatzen boi.

Ber da nètt slafit genümma un gerécht vor vil vil zait

magat khemmen zo haba gróazarne un sberarne problème un beata o, azpe in diabète, auvöaztarn un, insinamài, zèrte krëps. Azta epparùmmaz detzidrat neméar zo bolla slavan, magatz stèrm lai in 10 tang.

Ma sebar est bia 'z izta ingestèllt di zait bobar slavan: ünsar slaf iz augetoalt in viar zaitn. Dar earst stadio heft à ben bar soin djüsto intschlaft un in disa zait azma höart an rumór matma lai darbekhan dèstar. Dopo zen minùttin bo bar slavan hefpar á ziaga in atr a migele lesegar un 'z hërtz o mèkhet lesegar. Gianante vürsnen z'slava riftma spetar in a phase von slaf gehoazt "sonno a onde lente" un disa iz di zait boda ünsar laip rastet daz

meararste. Ünsarne musklín mövärnse quâse neméar odar biane mear un azma khent darbekht in disan momént matmase höarn inseméint un vorlört vor meararne minùttin.

Zbisnen disan phasen springta inn a tiabas a bòtta dar slaf REM o, boda iz déstar zo darkhenna umbrómm in disce moméntn ünsarne gespèrrate oan mövärnse bahémme bahémme. Dar slaf REM khint vür vo di drai atti vünf vert anìaglana nacht baldal ünsar hirn arbatet daz meararste. Balbar soin in slaf REM itriúmbar daz meararste, ünsar hërtz mèkhet bidar bahémme un ünsar laip steat vest un mangaz neméar mövavn: ditz iz eppaz bodaz schützt, asó biar mövärnaz nètt azpe bar beratn nà zo tüana in ünsarne intrüam. Eppaz ándarz bichte zo gedenkha, überallz vor di laüt boda stentz zo intschlava, iz ke 'z berat pezzar nètt nützan in telefonì vor ma geat in pett, umbrómm 'z liacht plabe vo disan aparàtt mak störm di produktiòn vo dar melatonina, boda iz dñormón von slaf. Asó mochpar hèrta gedenkhan ke slavan gerécht iz hèrta eppaz bichte azpar bôln stian luste un gesünt o.

Istituto Cimbro  
Kulturinstitut Lusérn  
Tel. 0464-78.96.45  
info@kil.lusern.it  
www.istitutocimbro.it



## Daz Roat Kraütz vodar Hoachebene vorst hilfe alln in laüt. Alle pittnåndar zo helva un zo helvanaz

Asto du o gloabest ke daz Roat Kraütz iz bichte vor alle üs, les ditz geschràiba undena barsto bizzan du o bia zo maga helvan zoa azta daz sèll boda iz khent getànt sin haüt, mage gian vür z'soinada vor alle.

Ancora una volta vi parlo di Croce Rossa perché è la più grande associazione umanitaria mondiale ma è anche un'importante realtà di volontariato presente sul nostro territorio da circa trent'anni.

Giorno e notte i suoi volontari rispondono tempestivamente a ogni richiesta di aiuto, prestano soccorso sanitario, intervengono laddove ci siano specifici bisogni sociali, forniscono vestiario e pacchi alimentari a famiglie in difficoltà e, credetemi, anche sul nostro altipiano, le richieste sono in aumento.

Per tutto questo lavorano a testa bassa, sacrificando tempo alle loro famiglie, ore su ore di servizio e formazione, sempre attenti ai bisogni emergenti, magari nascosti agli occhi dei più, ma, ripeto, ben presenti anche nelle nostre comunità. Ora però, tutto ciò non basta più ed è sempre più faticoso garantire i servizi, soprattutto quelli di urgenza ed emergenza sanitaria h24, ma non solo.

Noi di Croce Rossa però non ci arrendiamo e ci riproviamo ancora una volta. Prima di pensare a ridimensionare l'attività, togliendo servizi indispensabili per la nostra comunità, abbiamo deciso di bussare alle case di tutti e chiedere aiuto. Abbiamo chiesto spazio anche su questa importante pagina della comunità cimbra perché, se voi come noi, credete che la Croce Rossa svolga un servizio indispensabile sui nostri Altipiani, potrete fare la vostra parte affinché questa associazione continui la propria attività che non può essere data per scontata. Il bene più prezioso per Croce Rossa è il tempo che ogni volontario le dedica, un tempo che non viene ripagato in denaro ma dalla gratificazione di essere stato utile per qualcun'altro. Pertanto vi invitiamo lunedì 20 maggio, alle ore 20.30, presso il Centro Civico di Carbonare, alla presentazione del nuovo corso per volontari di Croce Rossa. Lavoro, impegni, predisposizioni personali, non consentono a tutti di intraprendere questa strada, ma ci sono altri modi per sostenere la nostra associazione e uno non esclude l'altro. Si può aderire alla Croce Rossa diventando soci sostenitori, sostenere con una donazione, raccolte fondi, eventi a sostegno dei nostri obiettivi, donando beni necessari per le attività o beni di rimanenza, strumenti o infrastrutture. E ancora, si può decidere di destinare il 5x1000 alla CRI Altipiani nella propria dichiarazione dei redditi. Come fare? Chiamateci al nr. 3926571632 scriveteci comitatoaltipiani@critrentino.it oppure rivolgetevi ai nostri volontari che via daranno le giuste indicazioni.



CROCE ROSSA ITALIANA  
COMITATO ALTIPIANI

DIVENTA VOLONTARIO ANCHE TU

Nuovo Corso per Volontari CRI

Proponiamo a tutta la popolazione dai 14 anni di età, un nuovo corso per volontari a partire da

LUNEDI' 20 MAGGIO 2019

ORE 20.30

CENTRO CIVICO CARBONARE

INFO e ISCRIZIONI (entro il 18.05.2019)

Natürlich nètt alle hám mengl z'schlava di gelächan